

UUT'T OLDE VODDEN

Woorw hier an mossen denken
En dr ok wat an mos'n doonen
Dat was, de vaarweg met ut pad
Opknappen, woor wiej wonen.
Zo um disse tied vrögger
Zei menugge boernvrouw:
"De mansluû mot de diek us op
Binnenkot is ut wègenschouw."

Wat ze hier een "diek" neumden
Had niks met'ndiek te maken,
Moor de diek was toch een diek,
Koj met van de wièze raken!
Een diek dee'twater tegen holt
Das feitluk een echte diek,
Moor wègen neum'n z'ok dieken,
Diek'n waarn in iedre wiek.

Völle wège, al heitten dee diek
Leepen of leiën in vlak land
En'twaarn toé gin hadde wègen,
Wiej ken'n neet andes as zand.
En dan veral met winterweer
Ast soms rëgenen dag an dag
Wast nàár soms um te zeen
Hoé zon diek ter dan bie lag!

Dan koj van zand neet pròaten
Ut was tan olmoël modder,
De wègen of dieken hier
Dee waarn dan éne klodder!
De wagens en de stottekarren
Zakten dr diépe in vot
Iederéne dee dr deur zol vaarn
Maakte de weg wieter kapot.

Iej kon neet òver de weg vaarn,
Door was gin kanse veur,
Alles zakten dr diépe in,
Iej ging'n der letterluk déur!
Zon diek dee zo papperug was,
En dat wodden ok neet veheeld,

Umdat toor ut vevoer deur mos
Wod'n in de winter héél veneeld.

De gebrukers van de weg
Dee had'n hier dõrm de plich
Veurjoors d'scha te herstel'n
Dee 'swinters was an erich.
Dat gold veur kot bie oe huus
En dan nõ beie kanten uut
Tut halverwèege oew buurman,
Nò West-Oost of Noord en Zuid.

De luû dee int darp wonen
Hadden ter moor makkluk met,
Hoèven gin diek te onderholn
Dat hef wels kwoad bloèd ezet.
Um eur'nglieke plich te geven
Heb vól gemeenten ve-ordineerd

Dat bie jiedre snee-buuje
Dee snee mos wodn vot ekeerd.
Zee mosn dus de hele winter
Veur eur huus, pakhuus en staln
Snee ruumen, gladheid bestriën
Zodat de mense neet zoln valn.

As ter an de stròate ene was
Dee neet op zn stoepe zol letn,
Umdat ut zo slim kolt was
Dat tan moor hadde vegetten,
(Dr waarn dee dr neet van holt),
Dan koj dr op an zo wisse wiej
Al wast buuten nog zo kolt,
Dee waarn dr gleujendug bie!

tIs noew hoas òveral nog zo
Al waarn dr wel dee'tneet woln
Iej wét oew stoepe en trottoir
Moj sneevriej-begòanbaar holn.
tIs ten-éne-mòlle onmeugeluk
Dat'ngemeente d'veur kan zorgen
Moor as mense't eigus doot

Kõj d'lèèfbaarheid waarborgen.

Dus neet alléne buuten-af!
Wee an de stròate woon'n
Mos ok wel verichten plichten
En wat veur d'mòatschap doon'n.
Toch wast buuten wat slimmer
Dat zij denk ik wel an-veülen
Um'nzandweg te lòaten floereern
Mossen ze zich wels af-beülen!

tWas neet'nbetjen liek stoten,
Nee twod'n vriej goed an epakt
Knipgáte ok heel uut emodderd
Schròol zand tr weer in esmakt.

Diek kwam dr mooi bie te lig'n
Deur wat zee der an deen,
En mocht zich de hele sommer
Dan ok bes lòaten zeen.

As wègenschouwers dan
kwam'n
Dan was ut neet te weerleggen
Dat de diek in goeie stoat was
En dat zollen dee ok zeggen.
Iederéne dee vebetterd had
De weg woorj oe veur geneerde
Deur ut resultaat wie ie asdat
Ze zich veülden in eur weerde

Deur'tveharden van de weg
Buw as'wegwerker' òverbeudug
Zandwège hebt'tleudjen eleg
Wègenschouw shoas neet
neudug.
Vin iej'nzandweg zo landeluk?
Door kòw lange òver lollen,
tWas hier swinters schandeluk,
Noew kòw dreuge vuute hollen!